

SOPELA. Ehun esaldi buruz ikasi beharko dabez parte-hartzaileek



VERONICA MUÑOZ

Sopelako Nikola euskaltegiak orain bederatzi urtetik antolatzen dau Esaera Zaharren Txapelketea.

Esaera Zaharren Lehiaketeta martiaren 29an egingo dabe

Nikola euskaltegiak eratu dau eta izena emoteko epea zabalik dago

Veronica Muñoz |

AEK-ko Nikola euskaltegiak Esaera Zaharren Txapelketea antolatu dau, datorren martiaren 29rako. Sopelako euskaltegi-ko arduradunek, ekimen horren bidez, Euskal Herriko esaera zaharren ezagutzea eta erabilpena be sustatu gura dabez.

Txapelketea egiten daben hamargarren urtea da, eta Sopelako euskaltegiak antolatzen dauen bederatzigarrena. Txapelketea 16 urtetik gorakoei zuzenduta dago eta, urtero lez, parte hartzeko, 2 eta 4 kideren arteko taldeak osatu behar izango dira.

Talde bakotzak zazpi euro ordaindu behar izango dauz, izena emoteko ordutan. Horrezaz

ganera, talde guztietan bozeroale bat izendatuko dabe. Pertsona horrek, hain zuzen be, erantzunak emongo dauz txapelketearen egunean, taldeko kide guztien izenean.

Ehun esaldi, buruz ikasita

Esaera Zaharren Txapelketearen funtzionamendua hauxe izango da: izena emoten daben talde guztien artean, Euskal Herriko ehun esaldi zaharren zerrendea bananduko dabe. Esaera horreek guztiak buruz ikasi behar izango dabez.

Martiaren 29an, bien bitartean, zati bitan banatuko dabe jardunaldia. Alde batetik, goizean, kanporaketak izango dira. Hainbat bertso kantauko dabe, eta lehiaketan parte hartzen daben taldeek bertso horreek esal-

di zahar bategaz lotu behar izango dabez. Alde batetik bertsoa ze esaldiri jagokon jakin beharko dabe eta, ganera, esaldi hori buruz hitz egin beharko dabe.

Proba horren bidez aukeratu-ko dabez finalera igaroko diran taldeak. Gero, eguerdian, herri bazkaria egongo da, gura daben pertsona guztiei zuzenduta. Arrastian, amaitzeko, txapelketearen finala jokatu-ko dabe, Sopelako Ander Deuna ikastolan.

Txapelketearen finalean, goizeko probeagaz alderatuta, bertsoak ez dira prestatuta egongo. Oraingoan bat-batekoak izango dira eta, horretarako, Fredi Paia Algortako bertsolariaren eta Maialen Lujanbioren laguntzea eukiko dabe. Txapelketan parte hartzeko epea martiaren 21a arte egongo da zabalik.

‘Sopela: giza biderako uria’ egitasmoa gaur aurkeztuko deutse herritarrei, Udaletxean

V.M. |

Sopela: giza biderako uria izenburupean prestatu daben proiektua aurkeztuko dabe gaur, Sopelako udaletxeko sarreran, herritar guztien eta Sopelan dagozan alkarte guztien aurrean. Aurkezpen ekitaldia arrastiko 18:30etik aurrera egingo dabe, eta danei zabal-
duta dago.

Herrian sortu leitekezan arazoak konpontzeko bideak to-

petea, horixe izango da proiektu barri honen helburu nagusia. Horretarako, hain zuzen be, agiri barri bat sortu dabe. Bertan, auzokide guztien arteko hartu-emonak sendotzeko eta hobetzeko jarraitu behar diran hainbat aholku agertzen da.

Guztion parte-hartzea

Ricardo Ibarra Urigintza zinegotziaren berbetan, «egitasmo barri hau guztiona da». Horre-

gaitik, Sopelako agintari-
deialdi zabala egin gura izan dabe, herritar guztiek proiektu honetan «zuzen-zuzenean» parte hartu daien.

Sopelaztar guztiek proiektua ezagutu eta, horren bidez, proposatzen diran ekitaldietan parte-hartzearen garrantzia nabarmendu gura izan dau Ibarrak. Izan be, bere azalpenetan, «herritarren laguntza barik sano gatxa izango da nahi dogun helburua lortzea».

GETXO. Areetako plazan ipiniko dabe karpea

Herriko heziketa zentroak ezagutzeko aukerea egongo da, bihartik barikua arte

V.M. |

Bihar, zezeilaren 12an, hasi eta datorren barikua arte Getxoko 20 heziketa zentrok euren eskaintzea erakutsiko dabe Areetako metro geltokiko plazan, Getxoko Udalak, lehenengoz, antolatu dauen azoka baten barruan.

Plazan 400 metro koadroko karpea ipiniko dabe eta, horren barruan, gurasoek eta gura daben pertsona guztiek be herriko hainbat zentro publiko eta pribaren ganeko informazioa jaso ahal izango dabe.

Areetako plazan ordezkatura egongo diran zentroen artean haur hezkuntzakoak,

DLH eta DBHkoak, eta helduentzako batzuk be egongo dira. Horrezaz ganera, besteak beste, Getxoko Antzerki Eskolearen, Andres Isasi musika eskolearen eta Hizkuntza Eskolearen ganeko informazio guztia be emongo dabe.

Interesadun guztiek goizeko 10:00etatik 14:00etara, eta arrastiko 17:00etatik 20:00etara bisitatu ahal izango dabe azokea. Egunero, ganera, Musika Eskolako ikasleek kontzertuak emongo dabez, karpapean, 19:00etatik 19:30era. Getxoko Antzerki eskolakoe be hainbat antzezlan agertuko dabe, arrastiko 18:00etan.

LABURAEAN

SOPELA

Abadesoloko igeritokiak eta kiroldegia gestionetako kontratazioaren espediente onartu dabe

Sopelako Udaleko Gobernu Batzordeak Abadesoloko igeritoki barriak eta Urko kiroldegia instalazino guztiak gestione-
tako kontratazioarako espediente onartu eban orain gitxi, udaletxean eginiko azkenengo batzarrean. Agiria egun gitxi barru argitaratu-ko dabe, Bizkaiko Aldizkari Ofizialean. Horren ostean, proiektuak aurkezteko epea zabalduko dabe. Izan be, zerbitzua lehiaketa publikoaren bidez esleituko dabe.

GETXO

Grafologiaren ganeko eta masajeak emoten ikasteko tailerrak antolatu dauz Eskuz Esku alkarteak

Eskuz Esku emakumeen alkarteak ikastaro barri bi antolatu dauz, lehenengo aldiz. Alde batetik, grafologiaren ganeko ikastaroa eratu dabe, eta, bestetik, masajeak emoten ikasteko tailerra. Hile honetan hasiko dira biak. Eskuz Esku alkarteak 700 kide inguru daukaz, eta ekitaldi asko egiten dabe, besteak beste, ikastaroak, berbaldiak eta urteerak. Informazio gehiago gura dabenek 94 430 08 35 telefono zenbakira jo leikie.

GETXO

EHUko Arte Ederretako irakasleen erakusketea, Algortan

Orain egun gitxi ikasleen txandea izan zan, eta orain, barriz, Euskal Herriko Unibertsidadeko Arte Ederretako irakasleek eginiko behar-
rak ikusi ahal izango dira, Algortako Kultur Etxeko erakusketa aretoan. Gaur goizean inaugurauko dabe erakusketea, eta zezeilaren 22a arte egongo da zabalik. Erakusketea bisitetako ordutegia hauxe izango da: 10:00etatik 13:00etara, goizean, eta 18:00etatik 21:30era arte, arrastian. Zapatuetan, barriz, goizean bakarrik egongo da zabalik.

AGENDEA

GETXO

Mahaingurua: *Euskal pelota modan*, Egizuk antolatuta. Asier eta Aimar Olaizola eta Abel Barriola pelotari-
ek egingo dabe berba, eta moderatzailea Xabier Euskitze izango da. Getxo antzokian izango da ekitaldia, arrastiko 19:00etan.

Urteerea: Eleizpe eskaut taldeak urteerea antolatu dau, zezeilaren 23rako, Aitzgorria. Izena emoteko epea hile honen 15ean amaituko da. Informazio gehiagorako: 635 71 57 52.

LEIOA

Zinema: *La jungla del asfalto*, 1950ean John Hustonek zuzenduriko pelikulea emongo dabe gaur, iluntzeko 20:00etan, Sabino Arana kultur aretoan. Perseo bideo forumaren barruan antolatu dabe..